

## ETNE KONTROLLUTVAL

### PROTOKOLL

Måndag 8. februar 2016 blei det halde møte i Etne kontrollutval under leiing av utvalsleiar Ståle Tungesvik.

<b>MØTESTAD:</b>	Etne Tinghus, formannskapssalen
<b>MØTESTART/-SLUTT:</b>	kl. 13.00 – kl. 14.00
<b>MØTANDE MEDLEMER:</b>	Ståle Tungesvik (Sp), Ragni S. Fett (V) og Åse Langhelle (Frp)
<b>FORFALL:</b>	Arild Stenberg (H)
<b>MØTANDE VARAMEDLEMER:</b>	1.vara Pål S. Rullestad (Ap) – møter fast for S. Sæle som har fått fritak til hausten 2016
<b>FORFALL VARAMEDLEMMER:</b>	2. vara Nina V. Vee (Sp) og 3. vara Ivan Kaldheim (H) - kort varsel
<b>FRÅ SEKRETARIATET MØTTE:</b>	Rådgjevar Odd Gunnar Høie, Haugaland Kontrollutvalgssekretariat IKS
<b>FRÅ REVISJONEN:</b>	Forvaltningsrevisor Kari Hesjedal – KPMG AS
<b>ANDRE SOM MØTTE:</b>	Ordførar Siri Klokkarstuen (Ap). Rådmann Pål Nygård og økonomisjef Vegard Bang i sak 04/16
<b>MERKNADER TIL INNKALLING:</b>	Ingen
<b>MERKNADER TIL SAKLISTE:</b>	Ingen

### FØLGJANDE SAKER BLEI HANDSAMA:

#### SAK 01/16 GODKJENNING AV PROTOKOLL FRÅ MØTE 23.11.15

**Sekretariatet si innstilling:**

Protokollen frå møte i kontrollutvalet 23.11.15 blir godkjent slik han ligg føre.

**Handsaming i kontrollutvalet 08.02.16:**

Leiar orienterte. Protokollen blei godkjent utan merknader.

**Samrøystes vedtak i kontrollutvalet 08.02.16:**

*Protokollen frå møte i kontrollutvalet 23.11.15 blir godkjent slik han ligg føre.*

## **SAK 02/16 REFERAT- OG ORIENTERINGSSAKER 08.02.16**

1. Statusrapport pr. februar 2016
2. Rapport frå haustkonferansen i Sandnes - munnleg
3. Rapport frå NKRF-konferansen - munnleg
4. K-styrevedtak 15.12.15, sak 99/15 – Fritak frå politisk verv – Sigve Sæle
5. K-styrevedtak 15.12.15, sak 100/15 – Val av revisor 2016-2020
6. Evaluering og val av leverandør – Anbud på revisjonstenester 2016-2020
7. Årsrapport 2015 - skatteoppkrevjaren i Etne kommune
8. Skatterekneskapen 2015
9. Kommunal rapport 19.01.16 – skatteinntektene 2015 – landsbasis
10. Kommunal rapport 19.01.16 – skattetallene for den enkelte kommune
11. Fylkesmannen i Hordaland – rapport frå tilsyn Etne omsorgssenter 2015
12. eINFO 16/1 – Talerett i kommunale organ
13. Referat frå møte i Kommunesektorens etikktutval 23.11.15
14. Haugaland Vekst IKS – protokoll frå representantskapsmøte 11.12.15
15. Årshjul – kontrollutvalets oppgåver

### **Handsaming i kontrollutvalet 08.02.16:**

Sekretær gjorde greie for referatsakene. Ragni Fett og Ståle Tungesvik refererte frå NKRF-konferansen. Det hadde vore ein lærerik og interessant konferanse, og ikkje minst imponerende gjennomføring med meir enn 800 deltakarar.

Leiar ønskte at det blei laga ein plan på korleis utvalet sitt arbeid skulle bli betre kjent blant andre politikarar og innbyggjarane.

Medlemmene og ordførar drøfta fylkesmannen sin tilsynsrapport av Etne omsorgssenter, og meinte avvika kunne skyldast mellom anna systemfeil.

### **Samrøystes vedtak i kontrollutvalet 08.02.16:**

*Referatsakene 1 - 15 vert tatt til orientering.*

## **SAK 03/16 ÅRSMELDING FOR KONTROLLUTVALET 2015**

### **Sekretariatet si innstilling:**

Kontrollutvalet godkjenner årsmeldinga for 2015.

### **og innstilling til kommunestyret:**

Etne kommunestyre tek årsmeldinga for 2015 frå kontrollutvalet til orientering.

### **Handsaming i kontrollutvalet 08.02.16:**

Sekretær gjekk gjennom årsmeldinga. Utvalet meinte den gav ein god oversikt over aktiviteten, og utvalet slutta seg til innhaldet, slik det var lagd fram.

### **Samrøystes vedtak i kontrollutvalet 08.02.16:**

*Kontrollutvalet godkjenner årsmeldinga for 2015.*

### **og innstilling til kommunestyret:**

*Etne kommunestyre tek årsmeldinga for 2015 frå kontrollutvalet til orientering.*

## **SAK 04/16 NY OPPFØLGING AV REVISJONSRAPPORT - «SJØLVKOST»**

### **Sekretariatet si innstilling:**

Etne kontrollutval tek rådmannen si tilbakemelding om ny oppfølging av rapporten «Sjølvcost» til orientering.

Melding om oppfølging vert sendt kommunestyret til orientering.

### **Handsaming i kontrollutvalet 08.02.16:**

Rådmann Pål Nygård og leiar økonomi Vegard Bang tok sete. Den nytilsette rådmannen presenterte seg sjølv.

Leiar innleia om sak. Han refererte mellom anna til rapporten sine tilrådingar og utvalet si oppfølging på møtet i mai 2015.

Rådmannen orienterte om oppfølginga som var gjort sidan møtet i mai. Administrasjonen held på med å utarbeide ny gebyrforskrift. Dei vona at framlegget til forskrift kunne sendast på høyring i april/mai og få verknad frå 2017. Plan for vassforsyning blei prioritert framfor avlaup inntil vidare, jamfør tilråding 4. Tilrådingane som gjekk på bruk av rekneark for overslag over kostnader var teken i bruk og gav god effekt. Avgiftene på vatn, avlaup og feiing var blitt justert noko, slik at fondsreservane blir redusert i tråd med plan for bruk av fondsmidlane, jamfør tilråding 5.

Leiar gjorde framlegg om at utvalet fekk ei ny oppfølging av rapporten når den nye forskrifta var klar, og seinast i novembermøtet. Medlemmene slutta seg til framlegget.

### **Samrøystes vedtak i kontrollutvalet 08.02.16:**

*Etne kontrollutval tek rådmannen si tilbakemelding om ny oppfølging av rapporten «Sjølvcost» til orientering.*

*Kontrollutvalet ønskjer ei ny oppfølging av rapporten om «Sjølvcost» når ny gebyrforskrift ligg føre, og seinast innan november 2016.*

*Melding om oppfølging vert sendt kommunestyret til orientering*

## **EVENTUELT**

Ingen saker blei meldt.

### **Neste møte: måndag 09.05.16, kl. 13.00**

Medlemmene bør setje av noko ekstra tid, då utvalet skal handsame årsrekneskapen og delta i risikospill knytt til overordna analyse.

Etne/Aksdal, 8. februar 2016

Ståle Tungesvik  
Kontrollutvalsleiar

  
Odd Gunnar Høie  
Utvallssekretær